

## افرح



افتح شبابيك في الليل  
للقمر السهران في الحيّ  
واتعلم ترسم شخايل  
تترقّص على دقّ الضيّ  
يا مراكبي بغني مواويل  
وبيحضن شطّك  
في الموج الجايّ  
سيب بابك مفتوح للضحكة  
فتعدّي بشويش الريح  
وتكحلّ خديك بسمة  
في عيون مشتاقة لتسبيح

وبلهفة تخليك تستنى  
فيه ساعات الليل بيعدى  
في ساعات  
وساعات يتحول لثواني  
وكتير الليل بيهدى  
يطول أوقات  
يتحول ألحان وأغاني  
وتفتّح في الليل شبابيك  
مطلوب انك تفرح  
زي القمر السهران  
ما بيفرد منديله ويمسح  
لو باقي دموع في عينيك  
افرح